



## SOROTAN MENARIK

- ◆ Perancangan Strategik PSPM KPPIM UiTMCJ 2024-2025
- ◆ Outbound PSPMCJ di Universiti Briwijaya
- ◆ Global Learning & Jalinan Industri melalui CGCT

## KPPIM2024

Memperkasakan bakat, memupuk tadbir urus baik, dan meningkatkan penjenamaan fakulti untuk impak global

Era kepintaran buatan (AI) di dalam pengajaran dan pembelajaran (PnP)



**e-CoMath**  
**Buletin Edisi Pertama 2024**

**Pengajian Sains Pengkomputeran dan Matematik ,  
Kolej Pengajian Pengkomputeran, Informatik dan Matematik  
(PSPM, KPPIMCJ)**

**Kampus Segamat dan Pasir Gudang  
UiTM Cawangan Johor**

**Terbitan Edisi 2024**  
**©Universiti Teknologi MARA Cawangan Johor**  
**Hakcipta Terpelihara**

Tiada mana-mana bahagian dari majalah ini yang boleh diubah, disalin, diedar, dihantar semula, disiarkan, dipamerkan, diterbitkan, dilesenkan, dipindah, dijual dalam bentuk apa sekalipun tanpa mendapat kebenaran secara bertulis yang jelas kepada Pengajian Sains Pengkomputeran dan Matematik, Kolej Pengajian Pengkomputeran Matematik, Informatik dan Matematik, Universiti Teknologi MARA Cawangan Johor.

Perpustakaan Negara Malaysia  
Data pengkatalogan-dalam-Penerbitan  
Majalah e-CoMath  
e-ISSN: 3030-6310

**Diterbitkan oleh:**  
Universiti Teknologi MARA Cawangan Johor  
Jalan Universiti Off KM 12 Jalan Muar,  
85000 Segamat,  
Johor.  
Tel: 07-9352000  
Fax: 07-9352716

<https://johor.uitm.edu.my>

Majalah ini diterbitkan secara tahunan.  
Dicetak di Malaysia



## PENAUNG

Prof. Madya Dr. Saunah Zainon



## Penasihat 1

Dr. Akmal Aini Othman



## Penasihat 2

En. Mohd Lezam Lehat



## KETUA EDITOR

Nafisah Amin



## EDITOR UTAMA

Haslenda Yusop

## PARA EDITOR



Mazlyda Abd  
Rahman



Zuriati Ismail



Nur Syahidah  
Nordin



Dr Nuridayu Alimon



Dr Wan Munirah  
Wan Mohamad



Nur Intan Syafinaz  
Ahmad



Wan Nor Hafidzah  
Wan Mohd.



Syaidatus Syahira  
Ahmad Tarmizi



Nurulzulaiha  
Suhadak



Nafisah Amin



Haslenda Yusop



Rusnani Mohamad  
Khalid

## GRAFIK EDITOR



Ts. Dr. Rashidah Mokhtar



Azrina Suhaimi

# ISI KANDUNGAN

<b>Sidang Redaksi</b> .....	<b>III</b>
<b>Kata Aluan</b>	
<b>Rektor</b> .....	<b>V</b>
<b>Timbalan Rektor Akademik</b> .....	<b>VI</b>
<b>Ketua Pusat Pengajian</b> .....	<b>VII</b>
<b>Tinta Ketua Editor</b> .....	<b>VIII</b>
<b>Unit Sokongan Pelajar dan Alumni (SASU)</b> .....	<b>1-9</b>
<i>Student and Alumni Support Unit</i>	
<b>Unit Jaringan Industri dan Komuniti (ICCU)</b> .....	<b>10-13</b>
<i>Industry and Community Collaboration Unit</i>	
<b>Unit Pemerkasaan dan Transformasi Fakulti (FETU)</b> .....	<b>14-20</b>
<i>Faculty Empowerment and Transformation Unit</i>	
<b>Unit Pembangunan Akademik dan Profesional (APDU)</b> .....	<b>21-23</b>
<i>Academic and Professional Development Unit</i>	
<b>Hub Digital(DIBRAH)</b> .....	<b>24-28</b>
<i>Digital Brain Hub</i>	
<b>Unit Penyelidikan dan Penerbitan (RPU)</b> .....	<b>29-34</b>
<i>Research and Publication Unit</i>	
<b>Unit Korporat dan Media (COMU)</b> .....	<b>35-40</b>
<i>Corporate and Media Unit</i>	
<b>Pasir Gudang (PG)</b> .....	<b>41-67</b>
<i>Kampus Pasir Gudang</i>	
<b>Collaborative Group: Collaborative Teaching (CGCT)</b> .....	<b>68-78</b>
<b>Persatuan Pelajar</b> .....	<b>79-85</b>
<b>Lain-lain</b> .....	<b>86-97</b>

# Kata Aluan Rektor



Assalamualaikum Warahmatullahi Wabarakatuh dan Salam Sejahtera,

Alhamdulillah, marilah kita panjatkan syukur ke hadrat Allah SWT kerana dengan limpah kurnia dan izin-NYA, Pengajian Sains Pengkomputeran dan Matematik Cawangan Johor (PSPMCJ) berjaya melancarkan edisi pertama majalah e-Buletin yang diberi nama e-CoMath ini. Saya ingin mengambil kesempatan, untuk merakamkan setinggi-tinggi penghargaan dan tahniah kepada semua pihak yang terlibat dalam menjayakan penerbitan e-CoMath, dari peringkat perancangan hingga ke pelancaran.

Majalah e-CoMath ini adalah langkah yang signifikan dalam usaha untuk memperkukuhkan lagi komunikasi dan penyebaran maklumat dalam organisasi. Wadah digital ini diharapkan dapat menjadi platform bagi kita untuk berkongsi perkembangan terkini, pencapaian dan aktiviti yang telah dan akan dilaksanakan. Di samping itu, ia juga merupakan medium bagi menonjolkan kepakaran dan sumbangan berharga daripada setiap warga PSPMCJ.

Dalam edisi pertama ini, pembaca akan dihidangkan dengan pelbagai maklumat berkenaan aktiviti dan program yang telah dilaksanakan, artikel-artikel bermanfaat serta berita terkini yang berkaitan dengan PSPMCJ. Saya yakin bahawa kandungan yang disajikan bukan sahaja akan memberikan informasi yang berguna, tetapi juga mampu menjadi inspirasi untuk terus berusaha mencapai kecemerlangan dalam setiap bidang yang diceburi.

Saya juga ingin menekankan betapa pentingnya kerjasama dan komitmen berterusan daripada semua warga untuk memastikan kesinambungan dan kejayaan majalah e-CoMath ini. Setiap sumbangan, sama ada dalam bentuk artikel, idea atau maklum balas amatlah dialu-alukan dan dihargai. Majalah ini adalah milik anda bersama dan hanya melalui usaha kolektif ia, akan mencapai objektif yang diharapkan.

Akhir kata, saya berharap majalah e-CoMath ini dapat menjadi sumber rujukan yang bermanfaat serta medium komunikasi yang efektif. Semoga warga PSPMCJ terus diberi kekuatan dan ilham untuk meneruskan perjuangan dalam meningkatkan kualiti perkhidmatan dan mencapai visi serta misi UiTM. Syabas dan Tahniah!

Sekian, terima kasih.

Wassalamu'alaikum Warahmatullahi Wabarakatuh.

**PROF. MADYA DR. SAUNAH ZAINON**

Rektor

Universiti Teknologi MARA Cawangan Johor

# Kata Aluan Timbalan Rektor Akademik

Assalamualaikum warahmatullahi wabarakatuh dan salam sejahtera,

Saya dengan penuh kesyukuran dan rasa bangga mengalu-alukan penerbitan e-CoMath, e-buletin pertama diterbitkan oleh Pengajian Sains Pengkomputeran dan Matematik Cawangan Johor (PSPMCJ). e-CoMath ini menjadi platform yang penting untuk berkongsi pelbagai pencapaian, aktiviti dan perkembangan terkini yang berlaku dalam kalangan warga PSPMCJ.

Dalam edisi sulung ini, pelbagai aktiviti telah dianjurkan sepanjang tahun 2023/2024 sama ada dalam bidang akademik mahupun kurikulum, sehinggalah melibatkan program-program bersama komuniti luar. Saya amat berbangga dengan komitmen dan dedikasi yang ditunjukkan oleh semua warga PSPMCJ dalam memastikan kejayaan dan kecemerlangan dalam semua bidang.

Saya juga ingin mengambil kesempatan ini untuk mengucapkan setinggi-tinggi penghargaan kepada semua yang telah menyumbang dalam penerbitan e-buletin ini, khususnya kepada jawatankuasa editorial yang telah bekerja keras dalam memastikan kandungan e-buletin ini menarik dan bermaklumat.

Semoga e-buletin ini menjadi sumber inspirasi dan motivasi kepada semua warga UiTMCJ untuk terus berusaha mencapai kecemerlangan. Saya berharap agar kita semua dapat terus memberikan yang terbaik demi kemajuan PSPMCJ khususnya dan UiTMCJ amnya.

Sekian, terima kasih.

**PROF. MADYA DR. AKMAL AINI OTHMAN**

Timbalan Rektor Akademik

Universiti Teknologi MARA Cawangan Johor



# Kata Aluan Ketua Pusat Pengajian



Assalamualaikum wbt dan Salam Sejahtera.

Terima kasih diucapkan kepada Sidang Redaksi Majalah e-CoMath kerana memberi ruang dan peluang untuk saya mencoretkan sepatah dua kata dalam majalah ini. Alhamdulillah, syukur kehadiran Ilahi kerana dengan izin dan limpah kurnia-NYA, Pengajian Sains Pengkomputeran dan Matematik Cawangan Johor (PSPMCJ) telah berjaya menerbitkan edisi pertama Majalah e-CoMath bagi tahun 2024. Syabas dan tahniah juga saya rakamkan kepada Sidang Redaksi Majalah e-CoMath dan semua pihak atas komitmen yang jitu dalam menjayakan penerbitan majalah ini.

Majalah e-CoMath merupakan salah satu inisiatif Ketua Pusat Pengajian (KPP), PSPMCJ bagi mendokumentasikan semua program-program di bawah anjuran PSPMCJ, sama ada program-program pelajar atau pensyarah sendiri. Pengumpulan bahan secara konsisten ini akan melestarikan sistem pelaporan agar lebih cemerlang serta efektif bagi membantu dalam penyediaan laporan utama universiti seperti Laporan AKNC dan sebagainya. Malahan mutu perkhidmatan warga PSPMCJ juga dapat dipertingkatkan di mana kewujudan majalah ini akan menjadi salah satu indikator semak dan imbang dalam pentadbiran KPP, PSPMCJ.

Sistem pengurusan rekod yang baik, lengkap, sahih, mudah capai serta boleh digunakan akan memastikan integriti dan akauntabiliti penyampaian maklumat menjadi lebih efektif. Pelaporan setiap program yang telah disediakan dalam majalah ini akan menjadi salah satu sumber tambahan kepada pengurusan rekod yang lebih cekap. Setiap pelaporan aktiviti akan lengkap dengan gambar-gambar dan perakuan penulisan akan memberi nilai tambah kepada majalah ini.

Saya percaya melalui majalah sebegini, walaupun ringkas ia secara tidak langsung membuktikan warga PSPMCJ bersedia membantu UiTM CJ menggarap segala maklumat menjadi satu susunan ilmu yang baik. Tahniah diucapkan buat semua penulis dan sidang redaksi. Penerbitan ini bukan sahaja membuktikan kewujudan dan visibility fakulti, tetapi setiap aktiviti bergambar yang dimuatkan akan menjadi kenangan indah kepada semua ahli fakulti.

Sekali lagi, tahniah dan terima kasih diucapkan kepada jawatankuasa serta sidang redaksi majalah. Semoga majalah ini memberi manfaat yang tidak terhingga kepada pembaca dan usaha menerbitkan Majalah e-CoMath dapat diteruskan pada masa akan datang.

Sekian, terima kasih.

**"Memperkasakan Bakat, Memupuk Tadbir Urus Baik Dan Meningkatkan Penjenamaan Fakulti Untuk Impak Global"**

**MOHD LEZAM LEHAT**

Ketua Pusat Pengajian, PSPM, KPPIM,  
Universiti Teknologi MARA Cawangan Johor

# Tinta Ketua Editor

Assalamualaikum WBT dan salam sejahtera kepada semua para pembaca yang budiman.

Alhamdulillah, syukur ke hadrat Ilahi di atas limpahan rahmat dan kurniaan daripada Allah SWT atas kejayaan penerbitan e-Buletin Pengajian Sains Pengkomputeran dan Matematik Cawangan Johor (PSPMCJ) yang dikenali sebagai e-CoMath edisi pertama bagi tahun 2024. Edisi ini adalah kelahiran sulung penerbitan e-Buletin di bawah PSPM, Kolej Pengajian Pengkomputeran, Informatik dan Matematik (KPPIM). Kami merencana terbitan ini akan berlaku secara berkala dalam bentuk tahunan.

Terbitan istimewa ini dihadirkan dengan muka hadapan Ketua Pusat Pengajian (KPP) lantikan baharu dalam bentuk paparan Kepintaran Buatan (AI) dengan memperkasakan AI dalam Pengajaran dan Pembelajaran (PnP). Pemilihan KPP sebagai muka hadapan kerana KPP berfungsi mengemudi PSPMCJ dengan dedikasi dan jayanya untuk memacu PSPMCJ bagi mencapai tema perancangan strategik jabatan iaitu "Memperkasakan Bakat, Memupuk Tadbir Urus Baik dan Meningkatkan Penjenamaan Fakulti untuk Impak Global".

Terbitan ini adalah wadah perkongsian segala aktiviti yang berlaku di bawah PSPMCJ secara langsung mahupun tidak langsung di antara pentadbir, pendidik dan mahasiswa bermula daripada lantikan KPP sehingga kini. Kami menyajikan satu pembacaan yang memperlihatkan pelbagai sisi PSPMCJ dari segi akademik, kebajikan dan pembangunan pelajar dan pensyarah, penyelidikan, perundingan dan kolaborasi bersama komuniti.

Demi menghasilkan satu naskhah yang menarik dan berinformasi jawatankuasa yang mantap dan berdedikasi ditubuhkan dengan pimpinan Puan Haslenda Yusop selaku Ketua Unit Komunikasi dan Media PSPMCJ. Dengan kerjasama di antara Jawatankuasa Penerbitan, Unit Korporat UiTMCJ, para editor dan penulis artikel maka terhasillah satu terbitan yang cukup sempurna bagi kami dalam naskhah sulung ini.

Segala limpahan dan kesempurnaan ini kita kembalikan kepada pencipta yang Maha Berkuasa iaitu Allah SWT. Hanya dengan limpahan rahmat kurniaan daripada-NYA kita peroleh kemudahan dalam segala urusan. Dengan itu kami mengharap para pembaca dan diri saya sendiri sentiasa bersyukur di atas kurniaan ini. Alhamdulillah.

Akhir kata, terima kasih kepada pembaca budiman yang menyokong penerbitan ini dan selamat membaca dengan tenang.

Sekian, terima kasih.

## **NAFISAH AMIN**

Ketua Editor Majalah e-CoMath  
UiTM Cawangan Johor



## Coffee Talk Journey To Batam With PUJB

Dr. Norbaiti Tukiman, Dr. Wan Munirah Wan Mohamad,  
Nurhazirah Mohamad Yunos, Azyan Yusra Kapi & Harshida Hasmy

Pada 27 September 2023, Kolej Pengajian Pengkomputeran Informatik dan Matematik (KPPIM), UiTM Cawangan Johor Kampus Pasir Gudang telah mengadakan satu sesi perkongsian ilmu bertajuk *Coffee Talk Journey to Batam with Perbadanan Usahawan Johor (PUJB)*. Program ini telah diadakan di Restoran al Hanin, Taman Rinting, Johor Bahru di samping meraikan pelajar-pelajar latihan Industri yang akan menamatkan sesi latihan mereka pada awal bulan Oktober 2023. Program ini dihadiri oleh semua pensyarah KPPIM kampus ini yang bertujuan untuk berkongsi ilmu pengetahuan dan merapatkan silaturrahim antara staf di fakulti.

Program ini dimulai dengan bacaan doa yang diketuai oleh moderator, Dr. Nur Idayu Alimon. Seterusnya, Pn Nur Intan Syafinaz Ahmad selaku Koordinator Kursus telah menyampaikan ucapan sepatah dua kata bagi majlis penghargaan kepada pelajar latihan penyelidikan yang terdiri daripada empat (4) orang pelajar dari Universiti Teknologi Malaysia (UTM) sebelum aktiviti pengisian coffee talk dijalankan. Pn Nur Intan juga turut menyampaikan hadiah saguhati kepada pelajar latihan penyelidikan atas sumbangan yang diberikan.

Program diteruskan lagi dengan pengisian daripada Dr. Norbaiti Tukiman selaku penceramah pada *Coffee Talk* kali ini. Beliau telah terpilih untuk mewakili program lawatan ke Batam melalui jemputan daripada pihak Perbadanan Usahawan Johor Sdn. Bhd. Program lawatan tersebut telah berlangsung selama 3 hari iaitu bermula pada 20 - 22 September 2024. Delegasi dari Negeri Johor yang hadir terdiri daripada 30 Ahli Majlis Pembangunan Usahawan Negeri Johor (MPUNJ) dalam kalangan agensi-agensi kerajaan dan bukan kerajaan seperti FAMA, PUJB, MATRADE dan IPT di Johor. Turut hadir lawatan tersebut adalah Yang Berhormat Tuan Mohd Hairi bin Mad Shah Exco Belia, Sukan, Pembangunan Usahawan dan Koperasi Negeri Johor. Matlamat program ke Batam adalah untuk memperkasa pembangunan usahawan negeri Johor, mempromosikan program yang sedang dan akan dijalankan oleh pihak PUJB dan membudayakan keusahawanan dalam kalangan belia dan mahasiswa di negeri Johor.

Bagi mencapai objektif lawatan, beberapa tempat telah dilawati seperti kilang usahawan Tempe Zahra dan Kilang/Toko Toteles Bake House di Batam. Mereka mengenalpasti teknik pengoperasian yang dijalankan di kilang tersebut. Sesi mesyuarat antara MPUNJ dan wakil dari Batam turut diadakan. Seusai lawatan, pihak PUJB mengadakan perbincangan bagi merancang program usahawan yang dapat diimplementasikan di Batam dan membantu usahawan Johor untuk berkolaborasi bersama usahawan di Batam. Beliau berharap agar program ini mampu memberi impak kepada aktiviti keusahawanan dan kolaborasi antara UiTM dengan agensi dan industri di luar dapat ditingkatkan menerusi pelbagai program melibatkan institusi Pendidikan dan agensi kerajaan di Negeri Johor. Sesi perkongsian diakhiri dengan soal jawab daripada peserta dan jamuan makan.

